



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

<<28>> Նոյեմբեր 2016թ.

0015, Երևան, Մ. Խորենացու փող. 3,7

Ո Ր Ո Շ ՈՒ Մ № 348 /7

**Հարկ վճարողից ժամանակին չվճարված հարկային պարտավորությունների գծով
վճարման ենթակա գումարը գանձելու մասին**

ՀՀ կառավարությանն առընթեր պետական եկամուտների կոմիտեի իրավաբանական վարչության պետ Արման Մնացականյանս քննարկելով <<Եվրոկոնստրուկցիա Թի Էյ Փի>> սահմանափակ պատասխանատվությամբ ընկերության վերաբերյալ վարչական վարույթի նյութերը.

Պարզեցի

Համաձայն հարկային մարմնում առկա անձնական հաշվի քարտերի տվյալների <<Եվրոկոնստրուկցիա Թի Էյ Փի>> սահմանափակ պատասխանատվությամբ ընկերության /ՀՎՀՀ 08415445, հասցեն՝ ՀՀ, Գեղարքունիքի մարզ, ք. Գավառ, Ազատության 11/12, պետ. ռեգիստրի գրանցման համար 25.110.00977/ չկատարած հարկային պարտավորությունը 12 հոկտեմբերի 2016թ. դրությամբ կազմում է 150.832 դրամ, որից սոցիալական ապահովության վճար 150.208 դրամ / տույժ - 149.172 դրամ, տուգանք - 1.036 դրամ/, շահութահարկ 450 դրամ / տույժ /, եկամտահարկ՝ 174 դրամ / տույժ/: ՀՀ կառավարությանն առընթեր պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ ընկերության չկատարած հարկային պարտավորությունները գանձելու վերաբերյալ՝ <<Հարկերի մասին>> ՀՀ օրենքի 29¹ հոդվածով նախատեսված վարչական ակտ ընդունելու նպատակով, որի մասին 14.10.2016թ. ընկերության տնօրենը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի տվել: Սոցիալական ապահովության վճարի գծով պարտավորությունն հաշվարկվել է 2010թ. մայիս - 2011թ. հունվար ամիսների հաշվարկների հիման վրա, որոնք ենթակա են գանձման: Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

<<Հարկերի մասին>> ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն <<Հայաստանի Հանրապետության 2016 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով <<Հարկերի մասին>> ՀՀ օրենքի 29¹ հոդվածով, <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88

Ո Ր Ո Շ Ե Ց Ի

1. <<Եվրոկոնստրուկցիա Թի Էյ Փի>> սահմանափակ պատասխանատվությամբ ընկերությունից գանձել 150.832 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70 և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

Իրավաբանական
վարչության պետ



Ա. Մնացականյան

Ստացա որոշման օրինակը՝

ստորագրություն

հարկ վճարողի (ֆիզ. անձի) անուն, ազգանուն

ամսաթիվ

Նշում որոշումն իրազեկելու այլ միջոցների մասին

իրազեկման եղանակ, ամսաթիվ